

Terras de Marmilla, Linas e Campidanu

Progetu finantziadu cun su dinari de sa Regione Autònoma de Sardigna
cunformas a sa L. 482/99 e L.R. 22/2018. Annualidadi 2023

IMBALA PIPIUS



Regione Autonoma de Sardigna
Regione Autonoma della Sardegna



Comunu de Futei



Ita portais?
unu crabu mortu,
chini dd'at mortu?
su babbu e totu.
ita dd'at giau?
Unu boi scorrau.
Ita dd'at aciuntu?
unu sacu patuntu.

Ita ddoi fiat aintru de su sacu?
Inni nci fiat unu malloru biancu.
Ita nci fiat aintru de su malloru?
Inni nci fiat una faci de caboru.
Ita nci fiat aintru de sa faci?
Inni nci fiat una tela de orbaci.
Ita nci fiat aintru de sa tela?

Inni nci fiat una scarteddu de melas.

Ita nci fiat aintru de su scarteddu?

Inni nci fiat custu pipieddu

Bellixeddu, bellixeddu, bellixeddu!

Tzaca manedda chi benit babbu
Tzaca manedda chi benit mamma
e ti portant a biri sa prama,
e ti portant a su lavabbu,
tzaca manedda chi benit babbu!





Duus crocorigas apicadas apu biu,
cun d'unu alliòngiu totus in unu
paoni,
in una nci fiant agus e lòmburus
de fiu,

✧ ✧ in s'àtera luminum e fetas de
cabidoni.

Stichendi sa manu una borta ndi
fiant bessius
trintotu prateddas totus a unu
cedoni.

Cuatru o cincu si nci fiant fuius,
intradadas nci fiant in unu
butiglioni:





ingunis incapas teniant su niu,
si su binu, est trullu, at a tenni
arrexoni!

Cuddus chi ndi buffant nant chi
est saboriu!

✧ ✧ ✧
Un'àtera borta nd' est sartau unu
pistilloni,
fadendisi biri nant chi fiat
pulliu...

Su strexu ddu teniat chentza de
tupponi...

Immoi si tzerriat chi pibiri at
bittiu

e po botulu postu dd'at unu
corru de boi

